

俱舍論頌疏論四

圓暉上人述



中大雲寺沙門圓暉上人述

俱舍論頌疏論

目次

卷第一

俱舍論頌疏論卷第一之三

卷第二

俱舍論頌疏論卷第二之三

卷第三

俱舍論頌疏論卷第三之三

卷第四

俱舍論頌疏論卷第四之三

卷第五

俱舍論頌疏論卷第五之三

具舍論頌疏論四

俱舍論頌疏論卷六之三

俱舍論頌疏論目次終

卷第六

俱舍論頌疏論卷第六之三

四

十六

三品

三品

俱舍論頌疏論卷七之三

《 論 疏 頌 論 舍 俱 》
印 翻 迎 歡
量 無 德 功

公元一九九五年九月敬印壹仟部

俱舍論頌疏論

著者：中大雲寺沙門圓暉上人

倡印：星光法師、林寶秀居士

地址：南海普陀山西方淨苑

電話：○五八○……六○九一二○二

承印：世紀印刷私人有限公司

Ad Graphic Pte. Ltd. Tel: 7478320

俱舍論頌疏論四

目次

卷第二十二 1

分別賢聖品第六之一

卷第二十三 31

分別賢聖品第六之二

卷第二十四 77

分別賢聖品第六之三

卷第二十五 118

分別賢聖品第六之四

卷第二十六 159

分別智品第七之一

卷第二十七 203

分別智品第七之二

卷第二十八 245

分別定品第八之一

卷第二十九 285

分別定品第八之二

俱舍論頌疏目次終

俱舍論頌疏

論本第二十二

中大雲寺沙門 圓暉 述

分別賢聖品第六之一

其勝云何題曰

分大觀立身嚴以合然清心由慧式好份也復由慧
人且深兼一即該盡計者編正噴長日爲用會等南
大文百三一盤四該盡計二即首演盡備二後盡兼
寶龍寶珠聖體聖五此品觀即好各依照爲此品中

賢謂賢和聖謂聖正此品廣明故名分別就此品中大文有三一總明道體性二明道所證諦三約道辨人且初第一明道體性者論云如是已說煩惱等斷於九勝位得遍知名然斷必由道力故得此所由道其相云何頌曰

已說煩惱斷

由見諦修故

見道唯無漏

修道通二種

釋曰前已廣說諸煩惱斷由見諦道及修道故於中見道唯是無漏修道通二種謂有漏無漏也十五心

位見道速能治三界故於四諦下一剎那中頓斷九品見所斷故非有漏道有此堪能故唯無漏

從此第二明道所證諦就中分二一明四諦二明二諦就明四諦中分二一正明四諦二別顯苦諦且第一明四諦者論云如向所言由見諦故此所見諦其相云何頌曰

四諦四名已說 謂苦集滅道 彼自體亦然

次第隨現觀

釋曰諦四名已說者謂界品初云無漏謂道諦此說

道諦也擇滅謂離繫此說滅諦也及苦集世間此說苦集諦也次第列者一苦二集三滅四道問今此品列四諦與彼界品所說體有何異耶答頌言彼自體亦然謂顯體同彼故說亦然聲問四諦次第何緣如是答頌言次第隨現觀現觀者見道也謂現觀位先所觀者便在先說問何緣現觀次第必然答謂煥等加行位如是觀故問何緣加行位如是觀耶答謂若有法是愛著處能作逼惱爲苦惱因最初觀苦次復觀苦以誰爲因便觀集諦次復觀苦以誰爲滅便觀

滅諦次復觀苦滅以誰爲道便觀道諦如見病已次
尋病因續思病愈後求良藥故良醫經云夫醫王者
謂具四德能拔毒箭一善知病狀二善知病因三善
知病愈四善知良藥如來亦爾爲大醫王如實了知
苦集滅道故加行位如是次第觀現觀位中次第亦
爾如已觀地蹤馬奔馳言現觀者應知此目現等覺
義謂現前覺觀諦境也問何故經中說爲聖諦答聖
見四諦無顛倒故名爲聖諦故有頌曰聖者說是樂
滅諦非聖說爲苦外道謂涅槃爲苦也聖者說爲苦有漏苦非聖

說是樂

言有漏樂

從此第二別明苦諦論云唯受一分

五受中苦受也

是苦自

體所餘並非如何可言諸有漏行皆是苦諦頌曰

苦由三苦合 如所應一切 可意非可意

餘有漏行法

釋曰苦由三苦合者標也苦諦由三苦合名爲苦諦

一苦苦性謂苦受生時苦住時苦名苦苦也二壞苦

性謂樂受生時樂住時樂壞時苦名壞苦也三行苦

性謂不苦不樂受由行成苦衆緣造作故無常性故

名行苦也如所應一切者一切有漏如其所應與三
苦合皆名苦諦一可意有漏法與壞苦合名爲苦也
二不可意有漏法與苦苦合名爲苦也三餘有漏法
與行苦合名爲苦也謂除可意不可意外名餘有漏
應知此中說可意名壞苦說不可意名苦苦者且約
別論理實可意及不可意皆名行苦無常性故故一
切行行苦故苦行苦微細唯聖觀見故經部師鳩摩
羅多頌曰如以一睫毛置掌人不覺若置眼睛上爲
損及不安愚夫如手掌不覺行苦睫智者如眼睛緣

極生厭怖緣是行苦故諸愚夫於無間獄生苦怖心不如

衆聖於有頂蘊以有頂蘊是行苦故問若諸法中亦許有樂何緣但說苦爲聖諦答薩婆多宗中有一類釋由樂少故如置綠豆烏豆聚中以少從多名烏豆聚誰有智者瀝水澆癰有少樂生計癰爲樂經部祖師以頌釋言能爲苦因故能集衆苦故有苦希彼故說樂亦名苦婆沙正義解云理實應言諸有及樂體皆是苦以就行苦同一味故由此言苦爲諦非樂又依經部宗及大衆部等定無實樂受唯是苦愚夫顛

倒妄謂之樂故世尊言汝應以苦觀於樂受薩婆多

宗言樂實有佛言以苦觀樂受者意顯樂受有二種

性一有樂性依自相門自性樂故二有苦性謂依異

相門亦是無常變壞法故故言以苦觀樂受者依行

苦及壞苦說非苦苦也故有頌曰諸佛正遍覺知諸

行無常行苦及有爲變壞壞故說受皆苦於前兩說論

主評云對法諸師言實有樂此言應理又薩婆多宗

苦集一物因果分二卽苦諦體爲因義邊亦名集諦

若依經部宗唯說貪愛爲集諦體以經唯說貪愛爲

集故薩婆多云經就勝故說愛爲集理實一切皆是
集諦故薄伽梵伽陀中說業愛及無明爲因招後行
令諸有相續名補特伽羅此頌旣言業與無明爲因
招果故知非唯愛爲集諦

從此第二明二諦論云諦有二種一世俗諦二勝義
諦如是二諦其相云何頌曰

彼覺破更無 慧折餘亦爾 如瓶水世俗

異此名勝義

釋曰彼覺破便無者若彼物覺物破便無名世俗諦

如瓶被破瓶覺則無如衣被破衣覺亦無故瓶衣等
名世俗諦慧折餘亦爾者謂若有物以慧折餘彼覺
則無亦是世俗如水被慧分折色香味觸時水覺則
無如折火亦爾火覺則無故此水火名世俗諦如瓶
水世俗者如瓶世俗屬初句也如水世俗屬第二句
也然此瓶水未被折時假立此名稱爲世俗依世俗
理說有瓶等是實非虛名世俗諦異此名勝義者異
此瓶水名勝義諦如青色等碎至極微色覺常在及
慧折味等乃至極微味覺常在及慧分折受等四蘊

至一刹那彼覺常在故彼色等名勝義諦此真實有
故名勝義依勝義理說有色等是實非虛名勝義諦
依經部說如無漏智及此後得世間正智所取諸法
名勝義諦除此已外餘智取法名世俗諦

從此大文第三約聖道辨人就中分三一明聖道加
行二約三道辨人三明諸道差別就明加行中復分
爲二一總標二廣明此下第一總標加行者論云已
辨諸諦應說云何方便勤修趣見諦道頌曰

將趣見諦道 應住戒勤修 聞思修所成

謂名俱義境

釋曰將趣見諦道應先住戒然後勤修聞思修慧因聞思修所成慧故慧名所成依聞所成慧起思所成慧依思所成慧起修所成慧問三慧何別答聞所成慧唯緣名境未能捨文而觀義故思所成慧緣名及義未全捨文而觀義故頌言俱者謂名義也修所成慧唯緣義境已能捨文而觀義故

從此第二廣明加行就中分四一明身器清淨二明五停心位三明四念住四明四善根此下第一明身